

## ■ PER LA DUMENGIA

# Tgi ès ti?

TRANSLATÀ EN RG

Ina dunna giascheva en il coma suenter in accident. Tuttenina ha ella gi il sentiment sco sch'ella vegniss en tschiel ed ella stess davant la sutga dal derschader. «Tgi ès ti?» ha ina vusch dumandà.

Jau sun la dunna dal president communal», ha ella respundì. «Jau na vai betg dumandà da tgi che ti ès la consorta, mabain tgi che ti ès.»

«Jau sun la mumma da quatter uffants.»

«Jau na vai betg dumandà da tgi che ti ès la mamma, mabain tgi che ti ès.»

«Jau sun scolasta.»

«Jau na vai betg dumandà suenter tia clamada, mabain tgi che ti ès.»

Ed uschia è quai i vinavant. Tut quai ch'ella rispundeve, na pareva betg

dad esser ina resposta cuntantaivla sin la dumanda: «Tgi ès ti?»

«Jau sun ina cristiana.»

«Jau na vai betg dumandà da tge religiun che ti ès, mabain tgi che ti ès.»

«Jau sun quella che giava mintga di en baselgia ed en il spital, quella che gidava adina als vegls, als malsans e balsegnus.»

«Jau na vai betg dumandà tge che ti has fatg, mabain tgi che ti ès.»

Apparentamain nun era l'examen betg reussi, pertge ella ha gi da turnar enavos sin la terra. Cura ch'ella è puspe daventada sana, ha ella decidì d'anflar ora tgi ch'ella era avant quest accident.

*Savair bler vul dir dad esser studegià.*

*Enconuscher auters, vul dir dad esser perdert.*

*Enconuscher ses agen Jau, gliez vul dir dad esser scleri.*